

MBUQTIDEM EMI AKADADE MME IBORQ EDI

Mark 5:21-43

QYQHQ UKPEP-ŊKPQ 80

Eke Mkpawawa

IKQ IBUOT: “Kufehe, kam nim ke akpanikọ” (Mark 5:36).

Ndibet Jesus

Mbon emi ekedude ke edem inyañ oko ema enyene ukpuhore ye mbon Gadara emi ekedohode Jesus ete okpon obio mme imo! Ediwak owo ema ebono ebet ndisobo ye Jesus nte Enye onyonde isan emi Enye akawatde ke inyañ Galilee aka. Ekeme ndidi ndusuk owo ekeyom ndikop mme nke emi Enye eketinde; edi akpanikọ ete ke mmọ eken ema enyene udon ndikut Owo emi ekemedede ndinam mme utọ utibe-ŋkpọ oro. Ama odu mmọ eken emi ekenyenede ifiop-esit ndisobo Jesus, koro mmọ ema ekop ete ke enye ekeme ndikok mbon udon. Udon ananam kpukpru owo, oro edi, enyene ŋkpọ, ubuene, ofiok-ŋwed, enye emi mifiokke, mme anam-utom ye mme ifu. Edi nnyin imofik nko ite ke kpukpru owo, ekeme nditiene Jesus ŋkọbọ edikok ke ukpon, ye ikpohidem.

Owo kiet, emi ekekerede Jairus, ekedi andikara Synagogue. Ufok Abasi mme Jew ekere Synagogue. Idighe ediwak mme andikara ekenim Jesus ke akpanikọ ye se Enye ekekepepe. Owo emi, Jairus ama onim Jesus ke akpanikọ, idighe koro Enye **ekemedede** ndikok eyen esie añwan ikpon, edi enye ama enyene mbuqtidem ete ke Enye **eyekok** eyen añwan oro. Enye ekedi kiet ke otu owo emi ekebonode ndikut Jesus. Enye ama ofiok ete ke imo idu do ndibọ uñwam nto Jesus. Qbọñ idinwamke nnyin ibohoke nnyin iwut ite ke imotim iyom uñwam ito Enye. Jesus idinamke baba ŋkpọ kiet ino nnyin adaña nte nnyin ikerede ite ke imanam ofon ke ukeme nnyin.

Eyen-Añwan Esie ekpere Mkpa

Ikpọñ eyen-añwan Jairus, eyen isua doupeba ama ekpere ndikpa. Ekeme ndidi enye ama ofuhọ eti-eti, edi idorenyin ama oduk ke esit esie ke ini enye okosobode ye Jesus. Akpa ŋkpọ emi Jairus akanamde ekedi ndiduo “Enye ke ukot.” Oro owut ete enye ama okpono Jesus ndien editiñ ebeñe esie. Emi edi eti usuñ nditoño akam nnyin, oro edi, nditoro nnyuñ ŋkọm Enye mbaña se Enye akanamde onọ nnyin, mbemiso nnyin ibeñe Enye mme ŋkpọ efen. Jairus ama ebeñe Jesus ete odori eyen-añwan esie emi ekekerede mkpa ubok man anam enye okop nsọñidem. Enye ikodohoke ite, “edieke” mme “ekeme ndidi” edi etiñ añwa-añwa ete “enye eyedu uwem.” Nso utọ mbuqtidem ke enye ekenyene! Jesus ama onyūñ okpono mbuqtidem oro!

Ñwan Emi Okoyomde Uñwam

Jesus ama etiene Jairus, ndien ke usuñ ndika ufok esie, ebiet emi ekpři eyen-añwan udon akanade, ŋkpọ ama otibe. Ediwak owo ema eda ekanare Jesus, edi owo kiet ama “otuk” Enye. Edi akpanikọ nte ke ediwak owo ema ebere Jesus, edi emi ekedi “edituk” emi ekenyenede ntak, “edituk” eke mbuqtidem.

Owo itinke enyiñ añwan oro ino nnyin, edi mbuqtidem esie edi ediye uwut-ŋkpọ onọ nnyin. Enye ekedi ñwan emi okodohode eti-eti. Owo ekeme ndidohọ ete ke mfina esie ama oson. Udon esie emi ekebighide ke ofuri isua doupeba, ama onọ enye akamba ndutuhọ. Enye ama ebine ediwak mbia-ibok, onyūñ abiat kpukpru se enye ekenyenede. Utu ke okpofon, okosuk ododiok akan. Ke ini enye ama okokop abaña Jesus, enye ama aka nnenn ebiet emi uñwam odude.

Mme Ubiqon

Ikedighe mmem-mmem ŋkpọ ino enye nte owo udon, ndibahare otu owo mbe. Ke ediwak ini emi nnyin iyomde nditim nsaña mkpere Jesus, ana nte nnyin inuk mme ŋkpọ ifep ke usuñ nnyin. Nnyin inyene ndisana mmọ nyak nno Abasi, man ŋkpọ okudu ke ufot nnyin ye Andinyaña. Nte enye añwanade ndifaha mbe ke ufot otu owo man osim Jesus, ekeme ndidi ndusuk owo ema edomo ndinọ enye ifet, ke ini ndusuk owo mikonohọ enye ifet, mme ekekam enwanade ndibiqon enye. Mfin emi nnyin imekeme ndidi uñwam mme ubiqon ino mme owo emi ekperede nnyin. Mudaha ke ñkañ emi, eyeda ke ñkañ eken. Jesus okodohọ ete: “Owo eke midaha ye Ami añwañwana ye Ami” (Matthew 12:30).

Kpa Edituk Kpọt

Enye ama ekere ete edieke imo ikemedede ndituk ofonidem Esie ke iyekop nsọñidem, ndien ama edi ntre! Enye ama afaha ebe ke ufot otu owo, kpa ke ini Jesus mkekwe enye, enye onyūñ okotuk mben ofonidem Esie. Ke ndondo oro enye ama okop nsọñidem! Idighe ubiak ikpon eketre, edi idem udon oro ama okure nko. Nnyin imokot ite ke enye ama okop ke idem esie ete ke udon imo ama okure.

Jesus ama ofiok abaña enye okposuk mikobupke. Nnyin ikemeke ndibọ ŋkpọ ke ubok Jesus ke Enye mifiokke ibaña ŋkpọ oro. Enye ama obup mme anie okotuk Imo, man mmọ efen nko efiok ebaña, koro ñwan oro ama okpono

enye onyũ etiĩ ikọ ntiense esie. Jesus ama ọsọñọ utom eke ema ekenanam ema ke nditiĩ emem nsin ke ukpọñ esie emi okokutde ukut.

Mkpa Eyen-Añwan Jairus

Kufre ete ke Jesus okodu ke usuĩ ndika ñkọkọk eyen-añwan Jairus, edi akanam ifet ifahake Enye ndiñwam mmọ emi eyomde uñwam. Nte Jesus atuakde ada eneme ye ñwan oro, eyen-ufọk Jairus ama edidọhọ enye ete yak Andikpep okudi aba koro eyen oro ama akpa. Mmọ ekekere ete ke Jesus ekeme ndinam udọñọ okure enye, edi mmọ ikọfiọkke ite ke Enye ekeme ndinam enye eset ke mkpa.

Enam Eset Ke Mkpa.

Emi idighe akpa owo emi Jesus anamde eset ke mkpa. Ke Luke 7:11-15 nnyin imokot ibañá eyen ebekpa Nain. Emi edi uwut-ñkpọ se itibede inọ owo emi akpade “ke ndudue ye mme idiọk-ñkpọ.” Ke ini owo oro osobode ye Jesus, Enye eyenam enye eset man akpasaña “ke obufa uwem.” Oro edi, ke ini idiọk owo ọbọñde akam onyũ osobode ye Abasi, enye eyebọ erinyaña onyũ odu obufa uwem.

Mbemiso Jesus ọkọk eyen oro, Enye ama ọsọñọ Jairus idem ye mme ikọ emi. “Kufehe, kam nim ke akpanikọ.” Jesus ikonyimeke otu owo etiene Enye, sia enye ama ọfiọk ete ndusuk owo ema edu do ndisioño ndo nnyũ ntre ndinim ke akpanikọ. Ete ye eka eyen, mbet Esie ita; Peter, James ye John ikpọñ ekedu ye Enye ke ini Enye omumde ubọk eyen-añwan emi ama akakpa onyũ ọdọhọ ete; “Daha ke enyọñ.” Ikedighe ndifiak nnọ enye uwem ikpọñ, edi ama ọkọk onyũ onọ enye nsọñidem.

Ofuri mbon ufọk oro ekedu ke ntuaña ebaña eyen emi akakpade, edi ke esisit ini mmọ ema edu ke mkpaidem ndikut nte eyen Jairus añwan adahade ada asaña. Kpukpru emi akada itie oto ke ikọ Jesus, kpa Enye emi ñkpọ baba kiet misọñke ikan Enye.

MME MBUME

1. Ke ini nnyin idọhọde ite, “Eyedori mbon udọñọ ubọk” ọwọrọ didie?
2. Mme ọkwọrọ-ikọ nnyin esinam didie ke ini mmọ ebọñde akam enọ mbon udọñọ?
3. Jesus ọkọdọhọ ete nso ikanam ñwan oro okop ñsọñidem?
4. Ñwan oro akanam didie ọfiọk ete udọñọ imọ ama okure?
5. Ntak emi Jesus okobupde ete mme anie otuk Imọ?
6. Jairus ekedi anie?
7. Ntak emi enye akakade ebine Jesus?
8. Ekebigi adaña didie ndien eyen-añwan oro okop nsọñidem?